



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 22. An Sacerdos laborans morbo caduco vel leprâ licetè celebret.

urn:nbn:de:hbz:466:1-42624

sibi esse certissimum, nam per ipsius dictum vel sensum non eliditur auctoritas & ratio opposita, nempe quod tanta necessitas soleat excusare à præceptis purè humanis. An autem ob admixtionem aquæ interrumpi possit forma consecrationis, dicetur n.^o 251.

185.

Q. 12. Celebrans tenetur complere Sacra-
cium, non tantum supplendo consecrationem
illius speciei, quæ fortè invalidè facta est, ut
dicetur à n. 535. & 547., sed etiam sumendo
saltem partem utriusque speciei à se consecra-
tæ. Hinc volens renovare hierothecam male
faceret imponendo hostiam à se consecratam,
& sumendo illam, quæ in hierotheca fuerat, sic
enim non sumeret hostiam de suo Sacrificio,
ut recte *Præp. Lugo, Diana, Dicast. De Sacrif. d. I.*
n. 201. Pasq. q. 40. contra Henrq. Fagund. &
alios: Itaque consecrare debet duas, quarum
unam etiam sumat cum illa, quam accipit ex
hierotheca renovanda.

186.

Q. 22. An Sacerdos laborans morbo caduco vel
lepra licet celebret. R. Q. 1. Laborans morbo
caduco cum spuma aliisque horrorem incu-
tientibus, quamvis antequam labatur, presen-
tiat casum, celebrare non debet, nisi probatio-
ne per annum durante ita curetur, ut nunquam
putetur sic casurus. Neque sufficit, quod raro
cadat vel raro casurus putetur, si enim adhuc
aliquando sic cadat, est irregularis, & peccat
mortaliter, si celebret, *Nay. c. 27. n. 203. &*
alii, ex Cap. In Litteris, 7. q. 2. Quod si raro ca-
deret, id est, semel in mense, inquit *Tamb.*, &
sine spuma talibusque signis, non posset qui-
dem ordinari, attamen ordinato posset per-
mitti celebratio, dummodo assistat alius, qui
juvet

juvet & suppleat, si quid adversi accidat, *Less.*
in auct. v. *Missæ cas.* 7. *Gob.* t. 3. n. 819. ex *Cap.*

Nuper.

§. 2. Si cui jam ordinato superveniat lepra,
licitè celebrat privatim, vel coram aliis leprosis
publicè, quibus etiam licitè administrat Sacra-
menta, *Tann. Gob.* n. 831. 187.

Q. 23. An liceat legere *Missam siccam & Gre-*
gorianas. R. §. 1. *Missa sicca* dicitur, in qua
non fit consecratio, sed tantum fiunt aliæ soli-
tæ ceremoniæ, v. g. apud navigantes in mari.
Et licet aliqui cum *Pasq.* q. 234. putent tales
Missam esse illicitam, saltem quia est aliquid
insolitum, ac etiam ideo prohibetur in Syno-
do Colonensi anno 1662. pag. 91., tamen alii
probabiliter dicunt esse, per se loquendo, lici-
tam, nam sunt orationes, lectiones & ceremo-
niæ de se piæ ac devotioni conformes; ideoque
etiam *Gob.* n. 71. dicit pueros vel quemcum-
que alium non esse reprehendendū, qui sine ve-
stibus Sacerdotalibus piè & decorè recitat, quæ
in *Missæ* latina dicuntur à Sacerdote, exceptis
verbis consecrationis. An autem aliquando li-
citum sit consecrare in navi per aquas vecta, di-
cetur n. 261.

§. 2. *Missæ* Gregorianæ sunt 30. *Missæ* de
Requiem, quæ celebrantur sine interruptione
dierum ab eodem Sacerdote: inde autem ha-
bent initum, quod *S. Greg. M.* rescripsit Ab-
bati *Pretioso*, ut per se vel alium illas legeret
pro aliquo Monacho defuncto, uti refert *Gob.*
n. 731., ubi cum aliis notat, non esse opus, ut
legantur ab eodem, neque ut sint de Requiem:
imò *Beja* p. 1. *Cas.* 23. dicit solam ultimam esse
de Requiem, reliquas de aliis, quas omnes ibi
enu-